



Noordpeene



De Vlaenderen Streeken hen geheimen



Wel houden **geheimen**, etemets wel edooken, andere zelve vergeeten. Geheimen dien pertank maer en vraegen om edeelt te zyn en ontdecken zyn van 'n dien diet 'n tyd goet hen van te gaen op de **weggen van 't ontdek**. Die geheimen, dien vandaegge de **rykghyde van 't land** maeken, 'n teeken **"Village Saturnine"** doet ze julder uutvinden in de veertien vlaemsche prochien mit **gemerkt erfgoed**. Dien teeken, uutvonden van de Streeke van de "Baie du Mont-Saint-Michel" doet de landige prochien weerde krygen. Dit kalyteit houding is om d'identyteit te bewaeren en schryft neur in een globaale polyteke van Vlaenderen lik andere projekts "Assiettes des Pays" (om de promoosje van de streeke produkts), "Tradit'Flandre" of nog 'n feestvvaer "Musique au Musée" (dient de goeste van Vlaenderen om de feeste en de gebruuksvriendlikhyd toogt). Gebouwkunst, omlygende, animaesjen, goed eeten, tradisjen... Komt d'ertgoedige rykghyddden van de Vlaenderen prochien ontdekken, mit de "prochie leiders" gereed om julder op de weggen te volgen en julder hertelik de kleene en de groote hystoorje van nuldere prochien te **doen leeven**. De **Vlaenderen Streeken** gaen hoest gein geheimen meer hen voor julder...

Om tien ontdekken niet te missen!

- 1 't huus van 'n Peeneslag
- 2 Sint Denis kerke
- 3 Veinster mit traditoneele houtten veisnters
- 4 De Plaetse (mit Tisje Tasjes huus)
- 5 Josef Duvets monument
- 6 't Kasteel van de Torre

Toet allicht!

PAYS COEUR DE FLANDRE
Tel.: 03 28 43 86 60
contact@payscoeurdeflandre.net

PAYS DES MOULINS DE FLANDRE
Tel.: 03 28 65 76 79
contact@paysdesmouinsdeflandre.com

NIUZE MEIJOENDERS
C.A.U.E. du Nord, Conseil Général du Nord
C.R.T. du Nord-Pas-de-Calais, C.D.T. du Nord
Association Hauts de Flandre Tourisme,
Comité Flamand de France, Province
West-Vlaandeghe



Noordpeene

"Tusschen bergen en broeken, Vlaenderen leeft!". Ezoo is 'n toeristykken slogang van Noordpeene. En 't is waer dat die kleene prochie van 800 menschen, mit een dynamyke winkeliere structuure: bakkerie en pasteibakkerie, herbergen, restaurant, "café-rando", etc.

Noordpeene is een prochie diet veele het te toogen, an me tyd gruupen om ze 't ontdekken. Neur ommeleggingen eerst van ael: tusschen Noordpeene en Zuudpeene al 'n Tom deure gaen,

je zyt in 't Houtland. In de prochie, je zyt in 'n Peene dael. Deezen waetgang loopt zoetches byt 'n ceenter van de prochie waer dat ze neur naeme egeeven het. 'T is voorzekers de torre van Sint Denyskerke, diet 't hoogste is. D'ebetelede angezichten op de punte keeken al 't veld in 1677 at 'n Peene Slag gebeurt 'is om de winninge van de Sint Omaers mit de troepen van Ludwig de 14^{de} eegen d'Hollandsche. D'overwinninge van de Fransche, eschreeven in 't verdraeg van Nimegue (1678), gaft d'effeninge van deeze streeke van Vlaenderen en van 't Noorden van 'n Artois.

Noordpeene, 't is oek een ryk en verschillend erfgoed. Kapellen voorzekers, maer oek meer onverwachtigge elementen, lik 't gebortig huus van een member van de Fransche Akademie (Paul Hazard) of nog de die van een man van 't volk diet beroemd ebleeven is (Tisje Tasje). Vodder, an 'n Zuuden West, 't ground van de prochie uuttrekt num toet Sint Omaers meersch. 'T meersch en 't busch van Klaermeersch zyn hier 't ende van nuuze vlaemsche streeketaele. Vodder, me zyn in de Pykaerdsche streeke. Et Noordpeene op 'n boord van 'n Artois is, z'is wel vlaemsch!

Kassel-Horizons Toerismburo**
20, Groote Plaetse - 59670 KASSEL
Tel.: 03 28 40 52 55

De veertien ekoozen prochien

- Boescheepe
- Eekelsbeeke
- Godsvelde
- Noordpeene
- Osselaere
- Russcheure
- Rubroek
- Sint Jans Kappel
- Zerkel
- Steenbeeke
- Terreghem
- Volkenkhove
- Warhem
- Zeskappel

Pratykke infos
De prochie leiders zyn vrywilligge menschen dien julder de kennisse van nulder prochie willen doen verdeelen. Zoe gaen julder leiden op 'n roundloop, al julder d'hystoorje en d'aneddotten van nulder prochie doen leeven. Meer informaesjen an: 03 28 42 30 12. Vindt nuus oek weere op www.paysdeflandre.fr en allicht op www.village-patrimoine.fr!

Om tien ontdekken niet te missen!

1 'T Huus van 'n Slag

In dit heel schoon gebouw, me vertellen julder 'n slag van de Peene van 1677, een groot moment van nuuze hystorje. De vlaemsche kuulteure en 't dagelijks leeven in d'achtienste eeuwe zyn oek an d'eere.

2 'T Huus in d' XVIII^{ste} eeuwe

Haelf aferound van een vischpoel, dit huus is van 1743. Al in deeze weunste toogt de welde van 'n dien diet ze ebouwd het. 'T is een schoone synthese van de vlaemsche gebouw kunste in 'n middel van d' XVIII^{ste} eeuwe.

3 'T ingaen van de plaetse

'T is 'n nouwsten punt van de grotste straete van de prochie. Een drink verkooper, maer oek een herbergier-horlogier wunsten in huuzen dien vandoege weg belend zyn.

4 'T leege stei

'T leege stei van Noordpeene is 't ende van de straete diet en effens 't kasteel is. In 'n middel, zyn 't oude naeiwinkel en oek 't huus van 'n uutsteekende roundlooper Tisje Tasje.

5 D'oude bakkerie

Dit groot huus waes een bakkerie en een herberge toet 1982 an Berthe an Germain Marchyllie nuldere retraite egreepen hen. Ze is ebleeven lik in de jaeren 1900.

6 De kapellen

Me kommen twee heel verschellende kapellen eegen, St Omaers straete. D'Heilig Herte kapelle waes ebouwd in de jaeren vichtig in bedank voor de weerekomste van oorlog gevangen, Onze Lieve Vrouwe van Lourdes kapelle, ebouwd in 1879, toogt de groote devosje van dien tyd om onze vrouwe.



3,5 km

0

200

meter



Route de Saint-Omer

Chemin du Couvent

Rue de la Mairie

Route de Zuyppeene

La Place



7 'T kasteel van de Torre

Dit sierlik kasteel van de XV^{ste} eeuwe, diet mit 'n tyd veranderingen had het, waes Joseph Duvets weunste (1700-1803), ouden maire van de prochie. 'T is uuteround van groote dykken.

8 De plekke van 'n klooster

De "klooster hofstei" staet op de plekke van een klooster diet afetrokken ewist het deur de revoluusje. Juust bachten 't groot meester huus waes een groot kasteel vandoege weg belend. Op 'n boord van de dreeve, je gaet kunnen een schoon hofstei huus van d'XVIII^{ste} eeuwe zien, waervan 'n noorden voormeur beschermd is.

9 'N plataeneboom

Dien boom zoud 'n Peene slag van 1677 ekend hen. Hen dei mei een dreeve de die van 't kasteel utlangste. Hen is 'n enkel en betoog van dien weg.

10 Sint Denis kerke

D'oude kerke van de XVI^{ste} eeuwe hadde drie scheepen haest van de zelfste grutte. Ze het omme-edaen ewist in 1894 en toen verbouwd in de nieuwe gothyksche moode. D'oude torre in gelve brykken bluift nog. Ze het verhoogd ewist van een uutebeeteld spits diet opstekt van 52 meters.



Kerke



Autopark



Pyknyk zoone



Restaurang



Herberge



Café-rando

